



龍石詩集卷六下

聊城 許成名 思仁甫 著

七言律詩

秋郊即事

向來風雨滯郊遊  
出郭蕭蕭已暮秋  
山色碧連沙苑  
樹鴉聲寒度夕陽  
樓十年宦跡浮雲  
事千里鄉心落  
木愁村舍誰家  
斷煙火厭聞鷄  
黍盡征求

會所對酌次杏岡韻

半間居借老僧餘  
兩月重來愧久虛  
松下鶴知迎舊  
客案前人爲理殘  
書坐臨竹盞傾  
新甕盤得山家薦

野蔬披豁壯懷聊縱飲正思歲月轉愁予

頌曆

御曆初頒下紫霄侍臣風雪曉趨朝官儀此際遠同  
漢象曆千年擬配堯雉扇曉隨仙仗入羽旗晴拂  
雲飄追陪敢謂從清禁薄劣真爲慶有遭

送人判廣東

秋水憐君此問津一帆遙入海之濱香山還與湘山  
近南斗應瞻北斗頻江上雲多經歲雨天涯風煖四  
時春故人萬里今霄漢宦業誰云隔遠臣

同年王大理尊翁誥封

江上老翁今白頭北窓高臥輕王侯百年身世遠塵  
網萬里恩波來鳳樓鏡表烏紗還自愛眼中丹桂復  
何求彭湖煙霧媚洲渚擬向春風買釣舟

送友人叅隨之古杭

武林南下路千重江霧冥冥一水通入幕有才囊脫  
穎談兵無敵坐生風古碑字滅空錢廟芳樹陰迷舊  
越宮一笑清樽恣游賞西湖煙月謾相從

齋夜有述

齋居可憐春日明古堂幽獨翻餘清風村此夕定松  
籟時忽誰家聞磬鳴流水年光催客髮浮萍宦跡愧

僧檠中宵起坐不能寐况復遠天來鳩聲

壽劉宮允太夫人六十

慈闈春酒薦冰莼共羨仙郎西鳳毛青瑣地連金闕  
迴紫薇花近玉堂高天涯祿養便鍾鼎席上春暉照  
錦袍白髮鏡中論甲子年來壽錄喜重遭

白錦衣 皇都慶壽圖詩

江南江北路迢迢客宦秋霜點髮毛蘭玉滿庭垂舞  
袖綺羅迎日照恩袍籍通禁衛官階迴地接宮墻壽  
域高曠達年來重京國交遊贏得遍時髦

送牛文祥巡山西

駉馬雙翻碧玉蹄觀風遙指太行西先聲當路空豺  
虎新命如絲照錦泥隔歲書聞燕鴈遠行春旌拂晉  
雲低聖朝公議今臺憲人物憑君入口題

送滕危之督餉

漁陽擊鼓驚秋塞旌節憑君此地過籌策千年稱李  
牧轉輸今日重蕭何金城不恃秦關險玉壘應須漢  
將多明日有人懷舊侶鳳池東畔待鳴珂

正月八日途中值雪二首

朔氣纒清冷漸微無端春雪傍人飛色迷大地山川  
迴凍合空林鳥雀稀塞上征夫秋未寵雲中仙仗喜

初歸時聞欲隨野老詢農事隴麥今年比舊非

臘雪未消春雪深霏霏忽見失疎林初聞細霰聲飄

碎漸覺寒雲勢轉沉奔走瘡痍今在眼誅求雞犬更

傷心即從穀日占豐兆却恐相妨此日陰

### 望穀山

十里高城望欲迷獨憐孤塔與雲齊雪中人去荒村

遶煙外鴉翻夕照低有約東臯今不負多情北野更

相携寧辭險道御羸馬願借寒燈坐曉雞

### 張司寇雙恩志盛

西臺司寇聯名座北巽枌榆接帝畿自古白頭雙

慶少于今紫誥兩封稀鼎鍾累切看雲思霄漢頻勞

上政歸即有恩優天子錫懸知歡勝老萊衣

### 候馬興隆寺

張子衝泥騎馬歸獨陪殘月坐涼輝柝聲九陌隨銅

漏樹影東廊暗鎖扉寶殿平臨北斗近銀河斜下遠

天微塵纓擾擾無休暇清淨空漸老衲衣

### 對月有感

海月從來雨後奇清輝隱隱出林時銀河影澹寒空

靜玉漏聲長晚坐宜絕塞風塵天仗遠中朝故老鴈

書遲平生自苦心如鉄一夜愁深鬢欲絲

久不到北涯書舍累以索詩賦此應之

郭外新添東野客年來常憶北涯行到門堤岸如昇  
立捲幔樓臺入畫清時有黃花供獨詠日煩好鳥送  
秋聲不妨後夕相尋晚共倚寒梅醉月明

詠雪效白戰體

朔氣凝寒暗不收飛來無數鬪輕柔纖花着樹勻將  
遍弱葉隨風舞未休萬里山川迷野望三冬雲霧滯  
郊遊柴門凍餒今多少其奈續紛攪暮愁

丁字沽夜泊

春水維舟津樹低荒程愁對晚雲棲風波西鬢隨飄  
梗寇盜頻年候曉鷄人在海天迷上下夜從星斗辨  
東西不眠漁火時相逐無賴林鴉忽亂啼

可笑堂爲諸定州書

中山行殿駐飛龍錦障親題御筆濃星斗知隨青  
棟爛鬼神擬借紫雲封即從手澤瞻文德更傍乘輿  
覩聖容麗藻千年傳盛美循良此日慶遭逢

南遊謁陵

朝陽東轉御溝灣天削芙蓉霄漢間背有龍江環  
帝座面開牛嶺護神山新丹丘日湧金銀氣寶樹烟  
橫錦繡斑千古陵園最佳麗朝青暮紫壯鹿靈

偕石塘南湖登雨花臺

寶門南下有層岡聞是梁王古道場岩壑獨留山寺  
在蔓荆誰剪石臺荒派傳西竺原空寂海落天花亦  
渺茫樽酒豈勝談往事登臨不盡又斜陽

同南湖登燕子磯二首

燕石鯨波兩未降勢如砥柱半臨江霜飄秋葉紅翻  
席日擁晴嵐碧入窓山澤靈鍾原不偶金湯天造更  
無雙聊從杯酒閒登嘯豐鎬千年此舊邦

尋幽直向楚江偏覽勝還登燕石顛洞口笙簫臨水  
聽山腰樓閣倚空懸崇岡峭壁疑無地瑤草瓊花別  
有天欲問蓬壺渺滄海好於此地學飛仙

送芹山出守東郡

吾鄉咫尺大河濱流徙從來苦要津四野菜麻今寂  
寞高城樓閣但嶙峋即煩 聖主分仙吏况有 龍  
章出 紫宸海內蒼生惟重守君家籌策更無倫

登牛首山二首

西峯高護前朝寺江遶林迴此勝遊孤塔影翻驚法  
座半岩雷動識靈湫虛聞鍾磬流丹壑杳望烟霞隱  
碧樓鳥道不辭幽磴轉蟻尊仍爲白雲留

林巒千仞上雲烟偶共追攀合有緣寺古尚傳唐宋

樹地靈猶帶虎龜泉神僧卓錫開山窟詞客揮毫掃  
石顛暫謝塵凡恣登眺欲乘鸞鶴逐飛仙

野泊望河西務夜值風雨

望望河西路尚遙聊隨浦口泊輕舸排山纜繫江帆  
密削壁灣迴野岸高雲霧正含沙樹暝雨風偏激水  
聲號荒程賴有同歸客春夕連舟傍小橋

天津遠眺

天津遙望海空濛禹鑿能開不世功樹擁帆檣飛萬  
鷁河吞南北走雙龍朝宗地接神京壯限外山凌  
紫塞雄水國金城真在眼誰論關右與江東

飲天津江戶部浣俗亭次韻

細飲春流高築臺海邊今見小蓬萊荒涼地合因人  
勝忽謾樽能爲我開時泛水風花歷亂晴呼簷樹鳥  
飛來十年京國雙塵眼此夕煩君一洗埃

遊靈巖寺

亂峯深處靈巖寺萬樹陰陰白晝昏地向山腰通海  
竅岩半有甘露泉天從石竇作雲根南山有明孔鼓鍾盡日傳虛  
谷林壑千年有斷猿叢竹遶亭逢客屐迴溪迷路憶

桃源

與可亭登獅子山二首

獅子山頭坐未暝登臨隨興喜同君林帝野鳥停還  
續寺遶春流合又分背嶺千花晴漲錦隔川孤岫暖  
生雲平生性僻耽遊勝此地乾坤亦不羣  
千丈懸崖勢若頽山靈應笑我能來窮碑侵漢迴星  
斗古洞藏雲變雷雨萬里河山歸遠眺百年懷抱此  
初開憑虛何限登臨興徙倚高風夕未回

絕景亭

水亭西畔竹亭幽風物宜人滯客游怪石衝流成伏  
虎老藤緣樹起蒼虬岩頭飛瀑晴常雨山口吹風暑  
亦秋小憇不妨歸落日鍾聲杳靄出僧樓

望泰山次邊華泉韻呈雪泉可亭二君子

逶迤川壑隱村幽縹緲峯巒出殿樓南陸幾躔疑日  
避半巖千仞碍雲流看山未了情何厭望海無涯興  
不收明發乘風須絕頂故人應爲一相留

五松亭

五松亭上喜同來林壑分明曙色開絕壁松含雲裏  
裊晴川水落石皚皚山人高下隨岩住沙鳥參差遶  
磴回無數羣峯俱俯覽何如泰嶽獨崔嵬

登泰山

岱嶽登臨信有緣夢游曾向十年前路從百轉迴雲

磴礧俯千尋，鎖石泉曉氣空濛。東接海中峯，突兀上  
撐天乾坤勝地，應輸此獨立青霄，意爽然  
曉踏雙峯，萬里明嵐光雲氣，半陰晴遙分東海，連空  
碧俯訝羣山與地平池布風花，搖玉佩橋留春草坐  
塵纓秦封漢禪空千載，今古令人感慨生

下山

夷猶何事下山遲，景絕塵寰與客宜。千古山川稱獨  
賸百年登眺此，偏竒橋存合有仙人洞。佩杳空驚玉  
女池，早雪于今徧齊魯，神功何以慰民私

劉水澄太史過訪，適予泰山未回，回則行矣，乃

讀貽詩次韻追答之

泰嶽歸來道路遙，美人隔水去迢迢。投桃爲我遺仙  
墨，對月懷君感玉簫。樹裏江船勞久繫，水澄候海邊  
山彖興方饒佳期，豫卜還空負望望。停雲恨未消

雪夜冬至節

山城飛雪憶長安，巡狩如何歲已闌。秦嶺風沙隨萬  
騎，漢家宮殿拜千官。不思東閣梅初凍，只恐西關草  
正寒。雲露陰陰愁北望，一燈無寐到更殘

同丁戶部溫明府飲呂定菴公署次冬至韻

幕府留賓坐亦安，更緣竒會興何闌。斗南文旆來江

國天上星槎值地官燭裏高談移席近雪中旨酒破  
宵寒正憐吟思梅初發不訝歸鞍夜款殘

雪中同溫明府欽隆興寺及諸同鄉次前韻

晚筵飛雪喜相安誼重鄉間到夜闌即有蒲團堪借  
坐更憐野衲解忘官高迷塔影連空白低厭松枝拂  
地寒不入招提今隔月寧辭騎馬欲鍾殘

龍爪槐

堤上青青十丈槐孤根當日定誰栽百年已共傳神  
物平地仍疑走震雷老榦有靈龍不去高岡無主鳳  
還來最憐野俗能祠廟古砌春深鎖綠苔

東昌曉發

七里荒城遶綠堤葦梢蒲葉隔川迷平橋埜色迎人  
意晚樹蟬聲趁馬蹄陌上風隨飛憶迴天隅雲接遠  
山低更憐雨霽便農事未忝連村萬頃齊

飲陳處士南庄

平沙細柳出南郊咫尺芳村路不遙春色草隨花氣  
盡綠陰花護鳥聲嬌壺觴興逐江湖遠勲業愁看歲  
月消落日長歌滯歸騎圍雲籬竹隔塵囂

秋日郊行同西陂數君子

搖落川原秋正深野行寒色起霜林天高白鴈風吹

字露重黃花晚綴金流水光陰愁短髮轉蓬踪跡誓  
初心百年役役常岐路此日連鑣豈浪吟

秋夕飲李行之喜葵軒有作

喜葵軒下北堂前秋夕君家列綺筵殘漏玉壺聞歷  
歷高城霜月對娟娟吟拋白雪有餘興醉飲黃花堪  
不眠何處洞簫聽歌徹一聲吹斷泐寥天

西郊謾興用呂太守韻

天際浮陰放野晴夜來寒色一時更游絲照日纖纖  
下新鴈隨陽處處盈遠近山青迎馬首卷舒雲薄見  
人情春風似識郊行意吹向東林聽有聲

駐玉泉山

玉泉山下華岩寺芳草春深此共遊林濕洞雲晴帶  
雨路浸川氣冷含秋塵纓空羨高僧定石榻聊爲遠  
客留安用浮名隨浪跡欲從孤棹入滄洲

飲來青亭

來青亭子隔西湖萬疊峯巒擁畫圖杳出雲霄尋鳥  
道疑從樽酒坐蓬壺水邊竹木浮虛爽烟外樓臺澹  
有無寄語山靈莫相訝醉歸須借好風扶

見朝

鍾鼓平明入建章九重樓閣啓朝陽仙班接武分鸞

鷺輦道通池轉鳳皇天近柳懸宮日靜雨晴花覆殿  
雲涼重來秘館心空媿兩歲東山業半荒

謁陵中元

冷雨蕭蕭來不停出門遙接數峯青林烟暗欲迷長  
劍雲氣濃疑濕翠屏陵寢千年藏虎窟都城終古據  
龍形明時孝敬崇秋祀遠道風塵歲屢經

過清河

清河橋下河水聲蕩沙決石奔雷鳴婉孌隨波鷗片  
片翻飛吐岫雲英英新菑苦雨大無賴瘦馬衝泥差  
可驚險道不辭百里去羈懷真爲亂山行

駐玄福宮 一名迴龍觀

中路盤餐思駐馬初晴鐘鼓報迴龍水分深澗鳴千  
派雨洗羣山碧萬峯野店風烟來寂寞仙堂雲樹坐  
從容不辭遠役聊爲客祗恐秋霖已病農

送易儀制提學西蜀

僊曹殊選屬英流萬里岷峨此壯遊秦嶺夜涼雲棧  
月蜀門楓落錦江秋傳經任重還龍勅華國文樵擬  
鳳樓懋學有徵今不負明時光價比琳球

除夕

客裡匆匆又一年京師物態尚依然歲時掌上今三

過秩序羣中已六遷日省素心甘分定老驚白髮逐  
時偏也知謹默從人後縱勉操存祇自怜

送毛三江致政

早從林壑賈山田抱病歸來興灑然晚節獨教清世  
重主恩仍爲老臣偏中興禮樂銘周鼎高臥羲皇擬  
晉賢知有餘忠思報國遙應丹闕夢江天

諸公讌東園

小讌荒亭此共攀百年塵世幾開顏葛巾每獨陪青  
杖竹葉聊同醉碧山野豁平原分浩渺觴餘流水弄  
潺湲坐來興洽林塘苾細柳春堤踏月還

送祝兵備

飄零久隔帝京塵麗藻曾從翰墨林海上風霜新  
節鉞天涯尊酒舊匆簪談經媿我佳時拙許國憑君  
報主深即有窮愁遍東土正須籌策慰同心

用北山韻奉別水南

江門深處有仙居愛爾當年此著書聲近北窓溪鳥  
亂碧連高閣海雲舒十年夢隔詞林遠萬里人歸講  
殿虛浩渺星槎望南斗彩衣莫滯故園車

九日不見菊

窮陰已碍中秋月佳節仍教不見花歌引蓼莪空客

淚詩成陶謝定誰家孤標豈受穠芳妬幽艷寧羣草  
木華擬待冰霜開歲晚試看亭榭爛仙葩

先岳樓夜望次石稜韻

誰將八柱倚空懸我欲凌虛一望仙垣切紫微應尺  
五路通黃道擬三千蓬萊縹渺東連海河漢分明上  
接天試俯朱闌聽玉漏更呼銀燭續瑤篇

九月廿一日菊開有作

搖落秋深始見花幽芳寧使負年華冷香泛酒堪誰  
共晚節宜人擬衆誇移自上林空物品開從丹壑映  
朝霞亭亭愛汝霜前立弄葉攀條日影斜

同李琢菴飲雲樓庄次韻

臺榭飄風午亦涼林園佳勝白雲庄同心暫向高軒  
話握手真拋半日忙抱道東山成大隱若虛良賈愛  
深藏開筵莫謾留金馬取醉何辭倒玉觴

馮南濱奉使便省

清曹仙侶使皇華聞說仙居傍海涯南國江門留彩  
鷁北堂春酒泛晴霞心懸寸草長年夢指屈寒梅幾  
度花不信蓬壺真浩渺瑤池高宴有君家

出郊有感

北門驅馬出堤頭極目蕭條送客愁田已萊蕪綠水

早村仍流徙困誅求明廷屢下寬民詔當路誰能爲  
國謀潦倒民生無自補幾番空抱杞人憂

二尹趙君聞母訃痛甚予有感予昔未見予母  
之歿情與予同賦詩送之

渭水秦關道路遙北堂秋日冷蕭蕭春歸寶婺光猶  
在月落幽魂痛豈招半世霜操稱獨立稀齡福履幸  
方饒雲仍有待諸昆遠泉壤恩輝正未消

送陳士芳判綏州

雄圖正憶三川勝上郡今勞五馬行嶺外風塵飛皂  
蓋關西雲樹隱高城明時捨賴謀猷遠新佐爭看父  
老迎寮采更聞賢刺史勲名莫使負儒生

寄陳芹山母七十

明月當筵照綺羅慈闈慶澤擬誰過謝家寶樹人難  
竝孟母德音世豈多海上仙歌飄洞府天高婺影爛  
星河昇中歲歲長春在鏡裡今看髮未皤

過東園

每探江上東園勝偶過城隅碧樹深居密雲林披竹  
入路迷溪洞隔松尋參差錦石開山面窈窕茆亭構  
水心聞道主人能好客桀尊無日不登臨

滄浪亭

池上盤餐入竹招柳邊絃管醉春醪旋拋漁網江河  
鯉更剪芳畦磧止毛耐歲野花仍水岸慣人山鳥自  
林臯鳳皇臺近勞相向金谷園深幸有遭

卿寺諸公邀會東園謾賦

石上芙蓉爛水潏興來呼酒共登臨秋霞晚映丹崖  
碧霜月涼生翠竹深偶謝塵紛同嘯譴即看城郭有  
山林芳園揔謂東西勝公暇無妨次第尋

次蒲老喜雪韻

乾坤獨有畫工能爲剪冰花六出凝銀漢影搖三萬  
里玉龍鱗動幾千層曉山帶濕光逾麗春水增波勢

欲騰聞道王心今載喜紫霄張盡上元燈

壽几山兄六十

山中壽豈論花甲洞口菴應爛石窓偶着錦袍開歲  
宴時携綠酒泛春江長生藥熟黃金就萬里書來白  
鴈雙棠棣每懷看北斗池漥有夢到南邦

送童內方給假還

地重青宮早上章恩承丹詔暫還鄉楚天樹杪瞻雲  
切荆國秋深憶壠荒展對松楸前夕夢翱翔遊湘漢故  
人觴五華七澤聞俱勝經幄詞林耿未忘

雙慶詩

味翁耄耄稱仙骨壽母春秋八十來宴啓瑤池青鳥  
下觴傳金谷綠堂開錦袍玉珮同偕老鳳誥龍章落  
上台共道林泉自佳麗未須滄海覓蓬萊

顧玄泉來鴈詩

詞臣紫閣揮毫日帝里高風過鴈秋忽有縞衣先入  
夢悠然錦翮故相留雲霄擬作神仙侶江漢應辭鹿  
豕遊物理難窮占瑞異翱翔常近鳳皇樓

元宵宴集蔣氏園亭即席贈湯東沂都閩

河上清風綵鷁來城南高宴倚樓臺林深燈火當春  
爛雪霽梅花對酒開曠達早傳淮海俊飛驕今重轉

輸才明時有賴還儒將佇見勲名播九垓

東津諫議奉母還過余東郡喜贈之

奉母遙從天上來相留無奈錦帆開孤貞

北闕聞

忠諫麗藻南州識俊才故里水山今樂土高堂風日  
有餘盃更思瓊闥青霄迴早遣星槎碧漢回

送武北洲之陝西任

秋風霜葉點征鞍西去秦川路百盤直道寧憂官地  
遠循良累薦識才難雞聲月落函關寂馬首風高渭  
水寒寄語扶風王給事好將勲業濟時艱

贈蘇舜澤總憲

麗藻常聞晉魏風，剪平仍與范韓同。江鄉陶冶諸生  
振棘寺雲雷，北冀空清望。威宣三輔動，英猷聲播  
九天通。即看廊廟方虛席，有待喬遷補衮功。

元宵對雪

當筵喜雪送年芳，便覺春風到草堂。翻入酒杯非觸  
忤，暗隨客思復飄揚。歲新雲物含豐兆，早久霑濡慰  
大荒。慶賞良時須縱飲，上元燈火更輝光。

寄郭中丞

濟上誰開半隱亭，坐中常對遠山青。偶辭案牘心如  
洗，聊撫雲松戶自扃。帆影幾看衝雨去，鳥聲不厭隔

花聽。林塘亦足容疎散，勲業其如鬢未星。

先岳樓懷古一首示霍生

落木飄鴻萬里秋，壯心衰鬢此登樓。仲連有道尊周  
室，巢父無蹤訪帝丘。天地海桑千古變，青齊勲業幾  
人收。即看大厦瀕梁棟，雄跨東南數百州。

寄贈梁老

往歲曾談却老方，古稀已過尚康強。桑麻遍野遨遊  
地，黍稷豐年貯積倉。即喜聞孫丹桂客，更飄彩袖紫  
霞觴。知君合有長生術，千載金丹說渺茫。

過江望金陵

晚來揚子望空濛  
吳管秦川百二雄  
到岍不須雙槩  
力逆流撿背片帆  
風金湯勢迴河山  
表樓殿晴開紫  
翠中 聖祖鴻猷重  
基本定知奕業萬  
年隆

暑夜

涼生積雨浥浮埃  
命席何須掃碧苔  
高樹鳥翻明月  
上空庭人坐好  
風來聲傳玉漏天  
堦靜影轉銀河斗  
柄迴徙倚闌干不  
成寐百年心事獨  
徘徊

齋居寺中

上方深處共齋明  
竹鶴宜人境倍清  
笛逐晚風吹別  
調鳥翻春月隔林  
鳴十年薄宦虛青  
史百感今宵入

短檠

郊祀菲才慚獻賦  
攬衣凝坐曉鍾聲

具慶承恩卷

高堂雙慶受恩殊  
錦 誥迴鸞照 紫泥歲月鏡中  
看白髮雲霄天上躡  
丹梯金樽對月吟  
筇健玉樹臨風舞  
袖低 須信庭闈有  
真樂人間空道武  
陵溪

送給諫黃文之少叅赴楚

寵命新看下 紫霄禁城曉  
發餞羣僚幾年獻  
納傾朝重萬里旬  
宣去路遙秋盡楚  
雲還過鴈月明湘  
水帶驚潮故人天  
外相思處清夜寒  
燈坐窈窕

壽南溪器之父

壽筵金紫照庭闈正是仙郎晝錦歸林下日長春不  
去樽前曲奏鶴南飛青山遶郭從行樂白髮憑人說  
古稀况喜宮堦新沐寵酡顏歡動老萊衣

友人有約結詩社寺中

百年交誼喜相招此日吟壇興欲饒肯事雕蟲收未  
枝正思忘味到聞韶松堂鶴興幽人靜石逕雲隨落  
葉飄為念遨遊共知己不辭風雨亦連鑣

送王公濟侍御之南畿

向來晉水隔燕京纔上金臺又石城天地浮雲看寄  
旅江湖清夜夢寒檠霜楓兩岼孤帆下秋鶴遙空萬

里鳴無策匡時慚對爾壯懷知不負平生

西帥

淮水龍飛萬世雄長驅曾上北山封旌旗不向雲中  
見玉帛遙來海外同劔閣幾年今戰鬪羽書長日走  
崆峒當時吉甫平驕虜薄伐能收六月功

二

烽燧漁陽猶未定西戎消息近如何莎車空憶班都  
護銅柱曾聞馬伏波渭水休論榆塞險劔門今報羯  
胡過何時籌策銷金甲會見旋師振玉珂

移菊 九月一日

高秋冒雨移寒菊正是蕭蕭落木時欲歷風霜開歲  
晚不緣天地借春遲香憐對眼須庭楹花解消愁謾  
酒卮九日欲臨還縱賞多情應放兩三枝

登北山望長陵

偶緣高磴問靈源遂陟層巔望帝園御氣曉浮川  
柳綠瑞煙晴動嶺花繁樓深萬樹籠華蓋星列千峰  
護紫垣即識鴻休開寶祚暫教春饗駐龍軒

登金山過玉泉野酌

帝城佳麗屬西方津樹城煙接渺茫覽勝隨山登殿  
閣採幽閒水載壺觴雲深洞草千年碧岼迴湖風五  
月涼落夕悠然弄洲渚塵襟忽爾坐相忘

飲望湖亭

樹杪雲頭坐與平高筵遙簇萬峰清傍岩盃落千尋  
碧隔岼鍾飄十里聲林靄湖煙晴自好渚鷗沙鴈夕  
偏明縱憐羈客非春事仍向山僧理舊盟

西山讌集賞花

僊苑名花待我來春殘猶自傍人開賞移竹檻煩催  
鼓折出松墻與勸盃香雪倚風翻石背彩雲映日簇  
林隈兩年城府虛遊興此夕湖山擬醉回

中秋十四夜對月

晚涼山月來高城數點浮雲收太清歷歷星芒暗欲  
沒蕭蕭露氣明還生關山笛裡九秋思風物吟邊千  
古情明日清輝肯慰我西堂洗酌能相迎

望湖亭

西湖佳麗望湖臺有客曾登此又來整頓流雲生几  
案舊題削壁暗莓苔諸天樓觀青霄入上國河山紫  
氣開實喜 宣皇過翠輦虛教漢武覓蓬萊

西山欲先歸仍謝亭谿我山並附一尊消餘興  
僊騎同攀西日來佛天仍宿碧雲隈山中白石題將  
遍洞口春風醉幾回張旭揮毫今草聖孫登長嘯最

高臺敢將東郡芙蓉露為薦燕京琥珀盃

昌平道中望 七陵

野塞微風散積陰陵園王氣鬱高岑巖開暖樹煙花  
麗路遶春山紫翠深萬載龍蟠藏劔舄長年駿走集  
冠簪直從開闢論形勝 帝德神猷邁古今

登陽翠嶺

陽翠名新今寶地雄圖天使付 神孫氣凌遠塞峰  
巒抱勢壓中原宇宙吞千仞珠丘連北斗九乾龍脉  
發崑崙微臣擬為吾 皇頌海嶽靈長万 壽尊

春祀喜晴

山深雲霧未分明，纔事陵園放曉晴。  
川壑總驚飛李爛，樓臺忽報鼓鍾清。  
松墀日轉爐煙碧，龍幙風迴扇羽輕。  
即信吾皇真孝感，神歡物豫動仙城。

正法寺觀孝宗遺翰

御筆驚傳墨未消，先皇文思擬神堯。  
玉屏寶篆圍黃幄，錦帙牙籤啓絳綃。  
佛殿永開雲日麗，法筵常覺斗星搖。  
即知至訓垂千載，奚啻雄詞邁六朝。

次龍湖閣老晉實錄喜晴韻

法宮早駕六龍輿，秘閣新成一代書。  
台切紫垣今夕爛，日臨黃道積陰除。  
鼓鍾氣爽飄薰殿，劔珮聲高接

太虛。帝德總知天監在，瑞占應屬泰交初。

送孫太史使安南

百年禮樂歸真主，萬里炎荒遣近臣。  
漢界尚標銅柱在，周廷猶貢越裳新。  
交天瘴濕江門雨，蠻國花開嶺樹春。  
亦信壯遊須太史，莫教仙旆故逡巡。

望西山

神京西北連羣嶂，勢壓諸夷壯帝寰。  
萬古雄圖今更險，中原勝地恐難攀。  
烟霞晝湧金銀氣，巖壑天開虎豹關。  
即踏雙峰瞻四海，未須蓬島問三山。

李氏園亭

青龍橋畔甕山頭石碧雲深草閣幽落日菰蒲喧水  
鳥有時鍾磬出僧樓參差野壑千年樹飄灑湖風五  
月秋已幸仙輿隨杖屨更攀金馬愜同遊

郭茂齋留飲觀瀾亭見虜退報用鵞湖壁上韻

亭臺佳麗柳川隈有約觀瀾綺宴開足國真須匡濟  
手攘夷誰屬剪除才雲中鼓角今飛羽池上絃歌謾  
舉盃聞道驕胡圍漸解秋高馬健恐仍來

境山寺晚眺

幾看空翠未能攀偶幸臨流得境山寺迴樓登岬上  
下林深時聽鳥間關石顛我獨穿松入雲外僧初採  
藥還晚就層岡聊暫憇坐聞高磴水潺潺

過徐州洪

當時誰向碧山頭力鑿洪開放水流遂使轉輸關國  
計總教泉貨達神州石躡激浪翻羣虎峽倒驚波敵  
萬牛河北江南俱賴此不妨滾滾數千秋

登雲龍山

龍山獨立倚丹霄古殿松陰坐寂寥東望青徐雲萬  
嶺南通淮海日千梳黃苑人去岡猶在白鶴亭空事  
已遙我欲凌風登絕頂平林漠漠草蕭蕭

分水龍王廟

龍廟何年河上開當時籌策豈凡材雙流分向漕流  
去二水遙從汶水來江漢撿通舟楫利烟霏常隱鳳  
麟臺即知千古明時勝萬國梯航日往回

羊山寺小憩

龜山北面羊山寺樓閣峻嶒到石顛倚檻雲飛青障  
表啣盃鳥語落花前半岩松籟傳鐘磬高磗泉聲送  
管絃劉項遺踪今在否老僧遙指夕陽邊

朶源道中

朶源縣南清水長蓼汀蘆渚空茫茫安流遙蕩雙槳  
去殘雨猶帶秋雲涼野鶴有時立高柳沙鷗數點行  
橫塘宦情鄉思兩不定繫舟何處蒹葭蒼

過清河口入淮

曉出清河望海隈洋洋撿納百川流古今天地黃河  
水南北東西幾葉舟淮鳳有靈今帝主蓬萊何處  
此仙丘憑高縱目中原勝萬國雲山不盡頭

望淮安

江城雲樹望霏微樓閣參差映夕暉水店為生漁網  
密田家世業葦墻圍蕭蕭蘆荻連村落漠漠烟沙有  
棹歸畿甸舊聞淮海勝恐今財賦與前非

寶應湖

寶應無波擬鏡平  
順流南下野雲橫  
天連海嶠孤鴻沒  
風裊江帆片羽輕  
歲月偶驚衰老髮  
湖山聊遣宦遊情  
南都北闕閑來往  
肯逐紅塵嘆轉萍

下碧雲寺

落日壺觴下碧岑  
前峯樓閣隱高林  
溪雲不逐春風散  
野鳥如從過客吟  
此夕湖山真浪跡  
十年遊賞幸同心  
諸天回首層霄上  
流水桃花許更尋

入山用張玉溪韻

隔歲塵纓始見山  
羈身偶擬出人間  
非因地主能攀客  
安得春風為解顏  
徙倚樓臺同謝朓  
棲遲林壑媿

高閒坐看奇絕煙  
霄外雙劍芙蓉錯  
錦斑

壽許南窓左史

壽讌年年對晚芳  
佳辰更喜值重陽  
秋憐酒泛金莢碧  
老羨花生寶帶黃  
林下神仙誰作侶  
屏中龍虎自相將  
憑君為問長生術  
坐看輒坤變海桑

登光岳樓

百丈層樓壯鳳城  
偶來登眺喜新晴  
半天鼓角催春曉  
何處笙簫吹月明  
十雨五風迎樂歲  
千門萬戶聽歌聲  
循良有道乘清暇  
與客翺遊醉太平

挽南窓許公

九日曾勞賦壽詩三秋不見竟何之路尋蓬島合成  
幻界說蓮花揔未知晚節生前高士品清風林下後  
人師我来剛是新封土抱痛難禁灑淚時

贈貳尹許子之邯鄲

畿輔南遊幾日程羨君文藻舊家聲要津不厭今當  
路宦業應知早著名先子金蘭仍久契少年筆硯與  
論盟更欣昆玉多登仕即使才華懋俊英

新亭落成贈劉子忠將軍

荒亭我亦開東苑新構君能倚碧霄旋闢草萊通院  
落更栽松竹靜塵翳簾櫳暗度花前月闌檻斜橫水  
面橋金谷習池仍見否登臨從此費招邀

奉次桂洲韻二首

殿直恩隆賜秘廬蓬萊咫尺有仙丘帝星原  
切台星爛淑氣纔臨朔氣除銀燭坐聞清漏箭瑤函  
時降紫泥書幾從退食承宣後每見揮毫補衮餘

又

上相榮分紫禁廬高齋直近碧霄居夜闌閣道聽金  
鑰風靜爐香透王除河漢瑞浮仙掌露星辰影動  
御屏書曹逢正擬唐虞盛賡和仍傳雅頌餘

龍石詩集

卷七下

七言絕句

題衡陽王遵教堂冊葉

衡陽海內久稱賢萬卷新書屋數椽仙府深沉無俗  
駕北窓吟罷獨高眠

山園數首

石磴茅亭小築成時於登眺得心清幾竿竹合供閑  
釣百畝田能有暇耕

城隅咫尺得頻來野卉林花次第開適意柴桑爲樂  
土未須滄海問蓬萊

長河東抱大堤回萬木陰森透屋栽桐梓似堪今日  
用棟梁仍重異時材

隔樹鼓鍾喧近寺傍城桃李鬱高村娛親時奉青藜  
杖愛客常開綠酒尊

海嶽可憐徒遠眺林園獨幸倚高河行聞溪鳥沙頭  
亂臥看檣烏樹杪過

卜居欲種千章樹負郭慚無二頃田賴有高匆時過  
訪村醪何惜辦青錢

林塘未許甘踈放課子詩書更力農見道欲攀前躅  
美知非猶竊古人風

羈客頻年長抱病暫歸真擬出籠樊自耽別墅聊閑  
曠不問人情有覆翻

草堂兀坐午風清竹杪藤梢幾兩輕慣見野花無定  
數偶來山鳥不知名

鳳城東畔白雲庄雨榭風軒六月涼松下題詩堪繫  
馬池頭汲水愛飛觴

遊僊詞四首

偶折蓬山頂上花獨披烟霧到仙家朱門乍啓黃金  
鎖丹鼎新成白玉砂

星冠霜劍擁金猊虎躍鵬搏不受羈直度虹橋三萬

里停驂弭節赤城西

天門倒影入銀河獨載星槎汎錦波浴鳳池頭鳴玉  
珮支機石上弄金梭

瓊樓十二照雲津咫尺蓬洲似可親擬上瑤階問玄  
旨分明星履拜丹宸

宮詞

禁苑鶯啼倚畫欄花枝滿眼帶愁看暖風不到羅衣  
薄十二瓊樓動曉寒

漁舟二首

滄瀛樓外小魚舸新漲今宵喜沒篙風雨不辭同婦

子青青楊柳繫春橋

挂席春流一葉輕恥隨塵世釣浮名江湖已慣風波  
險翻笑人間寵辱驚

宿靈岩方丈懷雪泉

信宿靈岩尚未還幽情暗與白雲閒美人繫我松堂  
夢清夜悠悠逸故山

小畫

幽居四接萬山齊石磴迴溪路不迷却笑主人歸去  
晚白雲先入草堂棲

贈姚一夔尹魯山二首

科第聲華久屬君自驚門下獨超羣于今借女花封  
令才藻行看早著聞

知汝真非百里才旌麾暫向魯山開三年奏績登天  
闕即使榮膺豸繡來

挽方老

一住人間八十年平生積德世堪傳兒孫滿眼能無  
憾福履悠悠豈允泉

送張生南歸

南宮麗藻冠儒林幾載山中望白雲尚俟遠圖知有  
日高飛應慰百年心

送沈生

沈生風度自東山應接紛紛動喜顏過眼縉紳當幾  
許特將恭謹事高攀

送西泉

一從京國識西泉謹愿人從珂里傳六月今聞又初  
度絃歌樽酒自年年

送王縣幕還關西

詞林尚憶汝同鄉文藻相臨日已長却喜仕登今鉅  
邑即看高捷羨飛揚

種瓜種豆足平生敬上親賢已太精安得蕭然無一

事即教身世在蓬瀛

又山園十首

芳園東接大河灣  
簫鼓樓船日往還  
舟子灘頭聞款  
乃林禽樹裡度間關

臺池幽勝苦無多  
草樹青葱艷綺羅  
我欲尋詩寄高  
興每便佳麗愛相過

歸來偶識東園趣  
暮景偏宜汗漫遊  
遍訪名園貯花  
果試開幽賞適林丘

草亭築向棗林西  
前有荷池後倚堤  
貝葉團團擊晚  
露行人逐逐過花溪

鼓鍾前擁隆興寺  
一水盈盈隔近樓  
興洽林園謾清  
賞欲登海岳逐新秋

往時對植藤花樹  
迤檻參差已綠陰  
新幹盤糾漸盈  
把他年合抱指喬林

小軒乘興便登臺  
有約時呼高士來  
長夜披襟消酷  
暑仍須傾倒綠荷杯

敞愛亭墀好種花  
晚來林壑隔烟霞  
危軒密樹從吟  
眺禾黍油油幾萬家

棗梨樹樹田園樂  
蘆葦蕭蕭總護城  
綠水連堤秋興  
遠長河兩岸萬夫耕

適意池荷開更早秋來携酒賞新葩  
遂乘幽興隨雞黍徒倚亭臺醉晚霞

扇景

蘆荻蕭蕭萬頃秋海翁無事泛安流  
須知鍾鼎還傾覆豈換烟霞一釣舟

題畫

鳥居獨愛駐林巒萬壑千峰日倚闌  
却笑浮名絆歸客祇將山水畫中看

次韻贈蔡三山十絕

十年宦業心恒赤此日歸來髮未斑  
早脫籠樊仍快

事江湖今見幾人還

回首紅塵世路忙達觀寧較短同長  
松風竹月虛窓畔爲誦黃庭日幾行

宋都梁苑仍佳麗負郭君無二頃田  
獨有敝廬堪習靜小山叢桂自年年

崑崙渤海人間勝浮世羈塵幾縱觀  
宦海萍踪渾不定百年歲月等飛湍

眼底升沉俱夢幻山中鷄黍屬仙筵  
丹砂熟後無塵累白鶴歸來有洞天

冥鴻獨幸海天寬此去無歌行路難  
自信豪雄甘棄

置肯隨流俗動辛酸

驅車南出鳳城門十里晴沙雪未痕  
浦樹嶺雲生別思隴桃澤鴈共離尊

霜林搖落動離筵朔鴈參差向暮天  
何處鄉山望不極黃河南下水潺湲

憐君早駕鹿門車高枕羲窓有敞廬  
聞道踰河無百里秋風莫滯北鴻書

中州獨羨夷門客東郡應懷光岳樓  
去去梁園從眺賞青林丹壑幾同遊

壽揮使

滿坐簪纓宴綺羅長生奚啻古稀過  
兒孫總解尊前舞老健猶能醉後歌

贈趙上舍榮歸

羨爾青年已策名湘江南下片帆輕  
及時莫倦青雲志佇看鵬飛九萬程

贈陳子廷元

近倚莪山小結廬山林光價重璠璣  
即今昭代方崇孝佇看雲津有薦書

送周都閩之福建

公瑾英猷大將才閩江東去幾時開  
胡塵羽報今多

事萬里長城待汝來

寄贈張照府之贛州

尚憶燕臺握手分南來相望隔江雲  
豫章獨幸逢賢守大厦于今喜庇君

觀海十韻

搖落深秋塞鴈哀  
溟濛東望海門開  
河吞南北雙龍合  
風擁帆檣萬鷁來  
古今東注乾坤脉  
下上遙迴天地流  
見道從茲觀浙水  
尋源何處覓崑丘  
星潮天地有常度  
今古從來幾萬年  
始信川靈知赴

坎虛移滄海變桑田

朝宗總納百川流  
天水微茫島嶼浮  
爲問蓬萊仙在否  
欲乘雲鶴下丹丘

停棹海上試觀瀾  
拍岸風高走急湍  
宦轍勞勞渾不定  
百年應得幾回看

洪津浩渺接西東  
雲物蒼涼落樹紅  
一葉波心看去舫  
半群天外識歸鴻

長年積水臨秋漲  
盪野崩河草樹平  
尚憶前宵留靜海  
蓬窓不寐聽潮聲

澤國波生落日懸  
行人無奈晚風顛  
輿梁總濟知多

少野渡虛橫萬里船

十月霜高海氣清  
秋濤落盡海潮明  
波深暫穩蛟龍  
睡佇聽春雷萬里驚

萬頃波澄上下涵  
洞庭秋水憶江南  
浮光不動凌虛  
碧落夕分明見遠嵐

題畫

百鳥同群鳳鳥孤  
乾坤靈氣眼中無  
一從文羽鳴岐  
後千古寥寥有畫圖

送張如齋判台州

赤城原是神仙地  
別駕何妨此駐驂  
我亦平生愛覽

勝翺遊同爾下江南

迎春觀雪六首

東風吹雪靜無塵  
春到偏驚物態新  
蒲地亂飄銀漢  
屑遙空誰剪玉龍鱗

曉起氤氳雪正飄  
春雲纔布臘初消  
問閭共喜同沾  
灑歌舞仍憐興蕩搖

九衢人看綵亭來  
絃管聲高錦隊開  
物象總宜翻瑞  
雪市喧咫尺送春雷

物色人情喜共新  
泰交今屬太平春  
不須嘉瑞占堯  
曆即荷豐年仰舜仁

瑞雪簾櫳密復稀  
東皇應遣伴春歸  
即令高宴懽行  
酒更逐流風上舞衣  
春來節序屬明朝  
寒暖相仍雪半消  
天意擬開豐稔  
象特教萬里散瓊瑤

送蕭質夫二首

二月冰消已綠波  
春風無奈別愁何  
芳筵暫借東樓  
會更苦憑高感慨多  
春堤楊柳繫花駘  
楚客風流興未窮  
岐路不辭醉潦  
倒魯雲湘鴈各飛蓬

送李操府之保定

帝城春暖下青霄  
畿輔三關路不遙  
聊借一官思報  
稱即須萬里看扶搖

蘆鴈圖二首

野水蘆花兩岸秋  
宦情鄉思正悠悠  
獨憐數點瀟湘  
鴈江北江南只自由

二

斜日平波烟雨霽  
十分秋色動江干  
西風度水蘆花  
白露氣澄空鴈影寒

擬宮詞

東風吹雨漱雲芽  
落盡宮桃罷綵霞  
不念春歸不相

借只隨流水嘆飛花

陵殿候駕五首

漢陵周寢萬峰迴  
瑤樹瑶林錦繡開  
黃幄曉隨雙鳳引  
紫雲遙護六龍來

二

雨師前夜洗塵琴  
法駕今看擁六軍  
新漲擬增春  
澗水遙天猶帶碧  
山雲

三

扈蹕千官仰  
聖容清光只尺盞  
春融龍冠雉日當  
黃道芝蓋凌風款  
玉駝

四

山人慣識漢官儀  
春祀年年動六師  
百兩鸞車聽雷  
轉九霄神駿宛星馳

五

龍沙烽火靜邊疆  
武烈文猷帝德光  
聖主於今  
茂裡祀詞臣不用賦  
長揚

范增墳

九里山晴散楚雲  
韓侯曾此樹奇勳  
當時天運歸炎  
漢遺恨空留范老墳

陵母墓

陵母能知漢祖賢敢將軀命一時捐即今黃壤青山  
下贏得高風萬古傳

三義廟

玄德能扶漢業荒古城高義我有關張三分鼎立慚恢  
復遺恨千秋對夕陽

漂母墳

誰識塵埃有異流偶然一飯及韓侯至今千載清河  
曲贏得人傳漂母丘

秋日

一簾槐影簷端日滿座秋寒樹底風蛺蝶不知花落

盡飛來飛去短牆東



龍石詩集

卷八

歌行

題雲山遺墨卷後

雲山先生誰同流雲門深處名丹丘塵纓俗駕不可  
近高情磊磊難其儔草堂之暇興無已揮毫如鐵稱  
無比蠶食初聞葉有聲坐來浙浙驚風雨晴愆大筆  
長如杠綵箋一掃傾千箱近代那聞有張趙千古直  
欲雙鍾王雲山先生今已去雲白山青渺何處窈窕  
空憐鸞鳳姿枝柯猶媚珊瑚樹我聞先生退何早飄  
然不爲浮名老名山勝水遍遊遨曠懷祇覺乾坤小

高君吾友天下奇東山賢俊鳴當時千里遙携爲相  
示覽之不覺心神怡却笑紛紛競名者高門終日填  
車馬飛臺畫棟欲連雲寂寞終見成空野不如恬退  
有高風流芳遺烈真誰同乃知虛名竟何益文章與  
世能無窮

壽許母夫人歌

海雲帶雪飄殘朔天地茫茫暗冥漠瑶池今日集群  
僊掃出新晴淨如濯梅堂花榭開瓊筵翔鸞舞鶴紛  
踰躑洞裏搜來石髓異海中捧出冰奩鮮珠種輝輝  
照金紫飛薨畫棟參差起霏微香篆煖籠烟傾倒金

樽朝泛蟻大郎三子皆王賓朱門鼓瑟懷奇珍三  
郎泮水青雲器共言天上真麒麟雲霄更有紫薇客  
終朝載筆黃金闕天書雲誥日揮灑一時文藻稱  
奇絕重封須識恩波迴更堪怡樂衆榆境泚德從來  
範里閭君家况是來鍾鼎登堂稱壽舞且歌阿母之  
壽真如何滄溟不改鎮常在泰山不動高嵯峨

喜雨歌爲芹山賦

君不見顏魯公五原飛澍隨鳴驄又不見蘇長公兩  
浙甘霖哀白龍何如東昌郡侯陳太丘高蹤直與先  
賢儔六經在笥秘鴻寶一麾出守專神州曾躋天門

眺日觀玉女峰高彩霞爛萬壑豁衍玉樹森千岩  
岿英芝燦更涉蓬壺泛海水馮夷宮杏奔濤駛三島  
朝看蜃市樓十洲夕散鮫綃綺竭來聊國坐更絃齊  
魯咸稱太守賢北海才名諸郡最東萊清節四知傳  
蒼生正切雲霓望撫字心勞獨悵往北時初登灝氣  
升西郊忽見霏雲上我聞殷湯禱桑林周宣旱魃憂  
方深魯公空自焚巫覡何似賢侯喜雨心喜雨緣知  
能閔雨學士清歌續韓愈我復揮毫白玉堂羨爾芳  
名振今古吁嗟乎羨爾芳名振今古

奉次桂洲海天春曉歌

海門煙樹何鬱葱雄濤巨浸天之東乾坤翕闢忽吞  
吐此中疑有蓬萊宮蒼蒼一片鴻濛氣層樓鮫室雲  
烟際二儀清濁總混茫萬里峰巒開紫翠火輪飛出  
扶桑側洪波搖蕩黃金色潛蛟奮擊海歆沸靈鼉震  
撼山爲拆東帝司權草木青春風披拂俱爭榮天孫  
爲織紫霞爛神禹未鑿丹崖橫仙家多駐水雲間瓊  
樓銀闕何由攀尋真擬掇金先草餐霞未下瀛洲山  
叅玄誰究三元理悟道空云煉九還浮漚朝露此生  
輕牛毛麟角總難成誰擲紅塵千萬丈朝遊玄圃暮  
赤城百年如大夢役役徒勞形抗塵走俗駕何處覓

仙京赤松玄鶴雲中侶紫府瑤壇海上盟秦代連雲  
有雙觀日峰越峰相縈亂誰寫滄溟萬頃圖生綃滿  
幅沅台翰高堂展對生雲煙蓬壺瑤島故爲然鳳池  
麟閣每朝暮 較應扶億萬年皇猷匡替登帝筵台  
階清峻儷神仙願播仁風遍四海直傾甘露理三田  
題孫東園太守江山吟助卷

風塵十載鬱煩襟眼中不見佳山林下邳刺史有興  
致手持錦軸輕南金草堂示我半幅練咫尺若對湖  
山面洞庭秋老落霜梧瀟湘風靜餘沙鴈瓊臺瑤島  
開溟濛千岩萬壑生長風塵埃那有此氣象彷彿幻

出蓬萊宮十尋高柳掩飛棟八窓軒豁清飈送夜來  
秋水漲新波江閣浮空儼欲動閣中淹坐神仙流一  
樽凝眺來輕舟茶爐酒竈蕩輕槳蕭蕭蘆荻橫江秋  
虹橋石磴杳無際迴峯百折迷烟樹鹿門何處碧雲  
封鴟夷誰識滄洲趣磗盤相繞山之顛山亭縹緲當  
空懸斷崖絕界有芝芊我欲采采傷無緣巨嶺蜿蜒  
走不斷凌虛鳥道通雲漢林隈曠寺轉深岩萬木參  
差擁樓觀孤峯千丈擬崑崙塵空日月相蔽吞河源  
西去幾萬里安能追逐窮天門我生無柰羈塵網長  
年抗走違心賞展圖長嘯意飛翻幾欲乘風凌浩蕩

送呂朝章上舍還濼陽

河之水綠如苔河之柳青如線回首當年傾蓋時光  
陰冉冉奔流電水之綠柳之青只今却作郵亭色東  
風雙眼離愁生孤雲隔樹杳春水漾舟輕人生飄泊  
渾如絮千里悠悠定何處夜深明月轉西樓清夢脩  
脩逐君去

任麟石駘馬圖

使君駘馬鉄連錢關道橫雲高入天當路先聲走豺  
虎霜威南下開鷹鷂擊搏九霄震沙漠激揚北寒風  
雷宣外攘有托倚雄鎮中原之患惟窮邊往者雲中

亂不理撫臣無罪叅軍死 朝廷赫怒空擁兵坐之  
有激荷而止今年騎虜忽犯順疆場無備師無紀羽  
書未報明光宮孤軍一覆長城壘况苦騎陽亢欲極  
赤地千里無種殖更兼沙磧易枯稿遂令禾黍爲荆  
棘河中寇盜欲轉戰尚爾不輯仍相逼文儒祗煩多  
議論紈袴無策能肉食邇來提師軍上谷糜費不支  
轉勞嗟已借南丹爲輓輸仍開內帑供行饋我聞邊戍  
多健兒足食之外無餘事但教眼底有囊橐即使目  
中無旗幟西臺任子真御史英猷雄畧那堪擬天語  
丁寧下紫宸王事驅馳肅邊鄙旌節遙披鴈嶺雲

兵歆洗龍江水豈令黃卷 書生要布赤忠報 天  
子

駉馬行

大宛之馬名花駉雄姿矯矯干羣空龍媒奇絕古來  
少當時虛使傳奔虹長安少年驚且避騏驎不與凡  
駉同萬里霜削蹄寒玉捷如飛電旋驚風千金之價  
不可賈過眼紛紛安足數熒熒星彩射雙眸有客乘  
之轡如組長嘶迴野縱馳驅動地先聲走豺虎關河  
霜氣正橫秋繡斧遙持下江潁江北江南赤子亂天  
地風塵愁血戰累年蘇息動 宸衷野屋窮崖猶未

徧觀風此去重憂時白簡凝霜照鐵面試看民隱入  
封囊抗疏遙上 靈光殿靈光北望五雲碧烟樹空  
濛江水隔丈夫磊磊不可羈廓清天地須籌策更憐  
宦跡遠同心驅馬悠悠向南陌嶺梅山月江冥冥獨  
坐蕭然風雨夕

來青行

香山真擬香爐峯懸瀑更與銀河通亭危到地幾百  
丈鳥飛不上雲相從白晝寒生灑風雨羣山南下奔蛟  
龍嶺杉石桂倚蒼翠瑤宮綺閣爭龍窠碧雲豈不好  
鴻濛鑿雕虫玉泉良可愛曠蕩雜行踪何如此亭僻

在山之隈鬱蒸不散興雲雷景象朝昏晴雨千萬變  
我來登眺心神開磨崖縱飛洒顛倒仍啣盃城關西  
來三十里十年行樂今幾回君不見山上花朝開暮  
落摧鉛華又不見山下水滔滔東去無停止人生百  
年亦等閒喬松已去何能攀煮石食霞或浪語丹丘  
玄圃非人間絕巘岩堯不可度咫尺恐接旻源路縹  
緲如聞雞犬聲翱翔安得凌虛步吁嗟此亭傑麗那  
可求雄臺極目橫九州願駕長風凌浩蕩遙空萬里  
鞭蒼虬

碧雲歌

千岩萬嶂碧雲開英英何處長飛來山之陽河之浦  
不為蒼生布霖雨九州四海今瘡痍雲兮雲兮爾胡  
遲



書

